



-Pamebhamε

"Nimlɔɔ : 001 'Zë Zë -kwε 2005 "su -bha 'sëédhe -mü

"Gwεetaawo

Dhiang -wo -tiaandhe

'WɔN -TAŋG -MA 'GÜ 'SËÉDHE

-Më 'ö -kë 'yö -dhe 'dhö -bha kö
'wɔn -taŋg -ma 'gü 'sëédhe -yö kë
kwa -de -wo -nu 'gü ? -Më 'ö -kë 'yö
'yaa 'to "kwi -wo waa- -wo "wεε -nu
woo doseng -bha? -Kwaa 'wɔn dɔ-
'ka =dhe "kwi -wo waa- -wo "wεε
-nu bha kë 'ö -wo =bhlëësü mε -nu
'yan 'gü "kpungtaa bha, -a -wɔn 'kun
'ö -mε -nu -wa wo "gbu-, 'ö 'wo
=baa -a -nu -bha, 'yö -kë. =Ya kë
'dhü kö -yö -së kö 'mε 'ö "dhü -yö ö
-de gaa- pë 'kun -së, kö -a =bhlëë -yö
kë mε "wεε -nu "yan 'gü. 'Yaa yö -zë -
a 'ka, -wo 'bha 'yaa =bhlëësü kö -yö
ziö- 'ka -wo 'bha -ta. -Wo =gban -yö
doseng. -A -kë "dhü -sü 'gü, kö -dhe -

ya -bha kö 'kwa kwa -de -wo 'ö -kë
=Dan -wo 'ka bha, 'kwa baa- -bha kö
=bhlëë -yö kë- -bha. -Kwaa 'wɔn dɔ-
'ka =dhe 'mε 'ö 'yaa ö -de -wo pö, 'ö
mε "wεε -nu -wo nü 'ö- pö, kö -ya kë -
wo 'dhe 'ö bha, -a -bha =dhuëng 'ka,
kö -ya kë =dheŋg -mε 'ka. -A -wɔn 'gü,
-kwa kwa wë slëë kwa -de -wo "piü.
-Kwa dɔ -a -ya -dhe waa- pö -dhe 'ka.
'Pë 'ö -kë 'ö 'sëédhe 'ö -kë
-Pamebhamε 'sëédhe 'ö ya, 'ö -kë 'yö
bha. -Yö kë -sü 'ka -wo =plε 'gü. "Maa
"sε, Gbiaan =gwinng- "sε waa- 'Siiplöö
"sε, -a -nu -bha -bën -yö -ya -sü 'ka
"Gwεetaa -wo 'gü, 'yö -wo "pεpε 'ö

'Dannëng "sε 'gü, -a -nu -bha 'dhö
Blowo 'gü.

-Kwaa 'gü ma -së 'ka =dhe 'sëédhe
ya 'yii kë kë "dhü doseng kö 'kwa kwa
-dewo doseng nü- draan-. -Yö -kë 'pö
"dhü kö -yö kwa "yan "pu, -yö kwa "tu
"pu kö 'kwa 'wɔn -taŋg -nu ma, kö
'kwa 'dho kë- 'wɔn -nu 'ö 'wo kë sië
=dεε "kpungtaa, -a 'gbε -dhe 'gü tii,
"kεε kö 'kwa 'wɔn 'gbε ma.

'Mε 'dhe 'ö 'wɔn 'bha 'dhö- -gɔ kö -
ya pö yi -dhe 'ö -gban kwaa- =Dan -
wo "sε 'gü -wɔn -bha, yii- 'drεsü =nε:
08 bp 857 Abidjan 08. Bureau Dan. -
piöga -ma "nimlɔɔ 22 43 12 72 'ka.



Kwaa- =danwo pö "sε 'gü -wɔn

=Klang- -bha 'gbaannu 'ö- wo

"pεen -ta bha, =ya kë "bhadha -dede 'ka.
=Klang- -kɔ =gbaan "dhi ta, "kεε kö 'sa
'sëédhe -dho -dede -yö kwaa- 'në -nu -
bha. Mε 'dhe -nu 'ö 'wo -kë =dhe -a -naa
mε -nu -wo "pεen 'dhe 'ö -gblü 'yaa- 'ka,
-a -nu 'ka =wa woo 'në -nu bɔ- -nu 'gü
'dɔɔndhö. 'Mε 'ö mε 'yaa- -nu -gɔ, =wa
'to -wëësü. =Ya kë "dhü kö "sε =ya "pε

'gü -dedewo nü wo bha. "Sε -pε
'gü -kɔ -suu nu bha -wo 'në -nu
-kë zuë" "dhiü =wlüü" -mε -nu
'ka. -A -kë "dhü -sü bha- 'gü, 'mε
'ö "dhü -yö bhea" ö bha Atanna -
dhe kö -yö "ta kwaa- "sε -dhe, kö
"sε -gɔ "dhiü -mε -nu -zo -yö -
bö -dedewo kwa -wɔn -ta, kö
=klang- -wɔn bha, "siü -yö -ya -a

'gü. Kwaa dɔ bha =klang- -wɔn 'yii kë
nu "vaandhö kwaa- "pεen -ta. =Ya kë
"dhü 'züzü kö 'wɔn 'ö kwaa- "Kɔdivuaa -
sε -bha =dεε kö 'yii kë dankwëë, kö
kwaa- =klang- -wɔn "yan 'yii kë bho
"vaandhö, -yö -dho kë kwaa- =yaoba "sε
-bha "gbu- yi =plεε -bha. "Kwi -yë kë -mε
-nu 'waa woo kë 'gbε.

L'orthographe DAN

Voici ce que nous pouvons prendre pour
savoir lire et écrire en langue dan.

Les consonnes et les voyelles que vous ne
voyez pas ici sont les mêmes qu'en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l'alphabet :

Lettres	Exemple	Traduction
Aa	"kaa	<i>gale</i>
An	"gan	<i>tirer</i>
Aan	saan	<i>cadeau</i>
ao	kaɔ	<i>perdrix</i>
aɔn	'daɔn-	<i>araignée</i>
bh	-bho	<i>cabris</i>
dh	dhe	<i>mère</i>
ee	=wee	<i>sel</i>
ε	"pε	<i>déchirer</i>
εε	=wεε	<i>moquerie</i>
en	-gɛn	<i>piéd</i>
een	=gblεen	<i>long</i>
ä	pä	<i>chose</i>

ëë	"këë	<i>daba</i>
ën	'kën	<i>rassasier</i>
ëën	=klëën	<i>entourer</i>
ea	"kpea	<i>sec</i>
ean	gean"	<i>scorpion</i>
gw	-gwë	<i>caillou</i>
in	"bin	<i>fleur</i>
iin	"iin	<i>ou</i>
ɪ	"wɪ	<i>parler</i>
u	"gbu-	<i>fort</i>
kw	=kwaa	<i>main gauche</i>
ng ¹	gbeng	<i>nuit</i>
oo	-zoo	<i>chenille</i>
ɔ	'pɔ	<i>credit</i>
ɔɔ	=wɔɔ	<i>singe</i>
ɔn	"ɔn	<i>huile</i>
ɔɔn	=yɔɔn	<i>sang</i>
ö	pö	<i>dire</i>
öö	töö	<i>panier</i>
u	"su	<i>lune</i>
un	bun	<i>tombeau</i>

ü	'gü	<i>intérieur</i>
üü	"güü	<i>amère</i>
ün	=blün	<i>miette</i>
üün	glüün	<i>rouler</i>
ü	"gü	<i>brûler</i>
üü	"bhüü	<i>tarir</i>
u	"tu	<i>oreille</i>
uu	"tuu	<i>sauce</i>

-Wo 'dho -kɔ (Les tons)

très haut	"dhü	<i>arbre</i>
haut	'kɔ	<i>maison</i>
moyen	dë	<i>père</i>
bas	=zε	<i>termite</i>
très bas	-dho	<i>amour</i>
très haut + très bas	"klang-	<i>singe</i>
haut + très bas	'yënn-	<i>soleil</i>
moyen + très bas	saa-	<i>savon</i>
bas + très bas	=göö-	<i>iroko</i>
moyen + très hautgean"	scorpion	

'Wɔn 'ö -gban Diksiɔngdheε 'sëédhe -bha

'Sëédhe, 'ö -wo kpö 'gbe, 'ö- 'dhe
"dhü -a 'klɔɔ- 'dodo dho kē- 'gü: -
kwa -de -wo 'gü, "kwi -wo 'gü,
Dhuusi -wo 'gü, 'Glεε- -wo 'gü, -a -
wɔn -yö "sia- -Wa -dhe "kwi -wo 'gü
diksiɔngdheε. M ε -nu -wa -yë -
bha

'Sëédhe 'ö "dhü bha, -a kē -sü zü -
yö -bho -kwε "gblü =plε waa- ö ga do -
naa 'ka. =Ya kē "dhü kö -a -kwε -yiisio
-naa nü 'ö ya. Kwaa- -dheng -nu 'ö 'wo
-kē "Kwi "puu -nu 'ka, 'ö 'wo go "sεgo

'ö 'wo- Dhuusi -kē -a 'gü, 'ö yë 'dhe
bha 'wo- "yan dɔ 'gbaandhö, nü 'ö 'wo
yë bha- -bha. -Wa mε do -dhe Vidrinö
Valanngten 'ka, 'yö 'wo- mε do -dhe
Ana ΕΕmanö. 'Mε 'dhe -nu 'ö -nu "saa-
'gü -dedewo 'ö "kwi -nu bha 'wo nu
yë bha- kē bha, wo -mü Maagödhito
Boli 'ö 'kwa- 'tɔ kpɔ 'Wɔnsë bha waa-
Toma Beaatö 'ö =ya gun =ya =gwëë -
Gbiaa "sε 'gü, 'a -nu 'ka. =Dhuusi "kwi
-nu bha, woo do 'waa mü 'ö 'wo yë 'ö
"dhü bha- -bha. Kwa -dega -a 'nē =plε

'wo -kē 'sëédhe -slëëta -mε -nu 'ka
kwa -de -wo 'gü, wεng- -nu nü yë bha
'wo- kē -sü 'ka -dedewo. -Wa mε do
-dhe =Kesɔ Dhifɔngsi. Yö nü waa-
Vidrinö 'wo- -bha "Gwεetaa -wo 'gü.
'Yö 'wo- mε do -dhe Lo Zafe. Yö nü
waa- Ana ΕΕmanö 'wo- -bha Blowo
'gü 'pö. =Ya 'go 'sëédhe bha- 'gü, -a
"wεε 'gbe 'bha -nu -wo mü 'ö 'wo- -
bha. -Kwaa 'gü ma =dhe 'sëédhe "pepe
bha -wo -kē "dhü kö kwaa- =Danwo
'ya 'dho kē- -ga -bhaa 'gü -pë 'ka.



'Wɔn bha -yö -sü -kwε 'ö
'kwa go- 'gü ya, -a -bha 'su
"suɔsiö -naa 'ö 'wo- -dhe
"kwi -wo 'gü setangblë, -a -
dhekpacyi -kaɔng do ö ga
"saɔdo -bha. Kwa wë ya kē
'yënn- -wo -zian 'ka, kwaa-
mε tii "sεgo -nu 'ö 'wo mε
=kwaa 'gü, 'ö "Kwi -wo 'dhö
pö- 'gü, 'wo -kē: Bene,
Ginee, 'Kɔdivuaa-, Mali,
Nizieε, Senegalë waa- Togo
'ka -a -naa 'wëë- -kɔ 'ö 'wo-
-dhe BCEAO bha, 'yö -kē -a -
go -mε -nu 'gü -së kö "wëë-

'Wɔn 'ö -gban 'wëë- 'ö sü 1992 -bha -a -slëë 'gü -wɔn -bha

"dhe "pepe -nu bha, -wo
slëë- 'gü. "Tüŋg -blεεsü 'ö
'wo kē- -ya kö 'wɔn bha -yö
kē- 'ka, -a "dhiü -yö kē -to -
kwε 'ö -ziö ya, -a -kan -ta
"su 'ö 'wo- -dhe "kwi -wo
'gü Desangblö, -a "dhiü 'to -
yi 'ka. =Dhe 'ö go 'mü, 'yö
'wo- =plε -naa -ya 'zü. -A zü
-yö kē -bho zɔnvie do 'ö -ziö
ya, -a -dhekpacyi -kaɔng do
ö ga "saaga -naa 'ka, 'yö-
"dhiü 'dhö to "su 'dhe 'ö dɔ-
"piü, 'ö -kē 'zëzë 'ka kwa -
wo 'gü bha, -a -bha -
dhekpacyi -kaɔng =plε ö ga
"sɔɔdhu -naa 'ka. =Ya 'go yö
-zë -a 'gü -wo -dho "tüŋg -
yaaga -naa -ya "iin 'waa

woo- -ya -ee, yö -zë 'kwaa-
'wɔn dɔ. =Ya kē -ya -pë 'ka
'zü, kö -yö -dho kē- -së. -A -
gen -mü =dhe 'wɔn bha 'yii
kē kē 'mε -nu 'ö 'wo "pεen
'dhe 'ö -gblü 'dhö- 'ka, -a -
nu dha -wɔn 'ka. Mε 'gbe
'wii kē - a 'wɔn ma
"vaandhö. =Ya 'go mü, -a -
slëë 'gü -dhe "wεε 'bha 'yaa
gun- -nu "sɔɔ kö -wo 'dho
mü. -A -kē "dhü -sü bha-
'gü, mε 'bha -nu -naa 'wëë-
zii bha, -yö -tun =kö -a -nu
-go. -Ya kē pë see- -sü 'ka.
'Yö -më 'ö -kē =zɔɔ 'yö
'wëë- -gɔmε -nu bha, 'wo-
pö 'wëë- "dhe -nu bha -wo
slëë 'gü?


-Wa -pö =dhe 'ö =yɔɔ mü kö
'wɔn yaa kē -mε -nu -wo "slë -ya
sië 'wëë- "dhe zii -nu bha- -nu
'gü. 'Bha -nu yö, -yö -kē ü 'gü
=dhe 'wëë- -dede 'dhö, "kεε kö
'yaa- 'ka 'sa.

'Kwa- pö "dhü kö kwa- -pö
=dhe 'wëë- "dhe zii -nu 'ö -kē:
'wëë- kēŋg do "dhe, kēŋg =plε
"dhe, kēŋg "sɔɔdhu "dhe, "gblü
do waa- "gblü =plε "dhe -nu 'ka
bha, -wo slëë -sü 'ka- 'gü. Kēŋg
=plε, kēŋg -yiisio, "gblü do waa-
"gblü =plε "dhe -dee -nu nü 'ö
'wo "sε -bha 'dede ya- 'gü. =Ya
'go mü -kaɔng -yiisio "tanmaga -
yö mü, kēŋg do -bha -yö mü.

Kwaa- "Kɔdivuaa -sε 'gü -wɔn

"Kpungtaadhe -wɔn

Sudan: Zuë" 'waannu -wɔn



Sudan -sε bha, kwaa mε tii "sε -nu
'ö 'wo "dhuü- =yën bha, -a do -mü. -A
yi =ya =gwëë, -wo 'gü ma dhe 'yaa
gun -a 'gü -mε -nu 'wo "dhuü- =yën, 'ö
'wo -kē mɔɔ- 'sëëbho -mε -nu 'ka waa-
'mε -nu 'ö 'wo- go "sia- =yën 'ö 'wo -
kē =dheglizë 'gü -mε -nu waa- =geebë

-dhɔkëme -nu 'ka, -a -nu =zinng 'gü
dha 'yi -kwε -kaɔng =plε "piü. -A -kē
"dhü -sü bha- 'gü, mε 'ö 'wo =mɔɔ
"midhiɔng -bha -a -nu -go -yö kē -to
"dhinaa 'ö "dhü bha- 'gü. "Kεε -Zlan
nuwεε, "sεgo "gblügbliü -nu 'ö 'wo
"kpungtaa -wa -nu =zinng 'gü -dhiang

zë -së 'ka, zuë" 'waannudhe =ya nu
Sudan -sε bha- 'gü =tɔn. -Ziaanwo
=bidhong do 'ö 'wɔn 'ö -gban 'ko -wo
'gü ma dhe -bha -a "yan -nu -wo bho
'gü, -yö -ya -sü 'ka -kɔ "pεen =plε bha -
a -nu -bha 'ka -së 'ka. Kö zuë" waannu
-wɔn -dede -mü.

'Wɔn 'ö -gban troo -nu -bha mε wɔko -nu 'gü

-Dhekpacyi =ple ya- "piü, =badhong 'kpii- do -yö kē -zuö me tii "sego 'ö 'wo- dhe Dhaflikö di Sidö, -a 'gü. -A zuö -gen -mü =dhe -wo kē "dhü kö =badhong -zuö -me "gbu- 'ö dho kē- me tii 'nē 'ka, kö -yö dō. 'Mē 'ö kē =slw -yö -go me tii "se 'ö -kē Kamödhunö 'ka, -a 'gü. -Wa -dhe Eto.


'Wön yaa -ziizë 'ö 'wo- dhe sunami Zapönng "se 'gü

Sunami bha, "se -bha =zii 'ö wo -kacyi =wlöö, 'ö- "dhiü =wlüü 'ka, 'ö- dō 'ka dhang- -bha, 'ö- kpökpö -nu -blü 'ka -dhe =gblen =gblen -nu 'gü, "vanvandhö =dhe me me "yan "pēen dō gō zē



Sunami -bha pē see- -kō 'bha -nu

'ö mebhü- -nu 'waa "tüng =slw -dhe yö kö -wo =dua, 'ö me zē, 'ö pē =see 'ka -dedewo -kō suu =gban -suu =gban 'gü, yö -mü. -A -ga, 'yö 'pē bha 'ö me 80.000 zē 'sego 'ö -kē Donesi 'ka- 'gü, me 5000 zē Tailandē, 'yö Endö me 9000, Siilanga me 29000, Benggladesü me 2, Buuma me 90, Tanzani me 10, Kenia me 1, Somali me 2000, Maldivö me 73, Malezi me 66. Mebhü- -nu 'ö 'wo ga, -wo -gun -ziisü. 'Mē 'ö 'wo- -nu bun bho -gblüga 'gläng- -gläng dō 'gü, -wo -gun me "gblü käng =ple waa- me "gblü -kaong =ple (220.000). -A -kē "dhü -sü bha- ziaan--ta, 'nē "midhiong -nu -wo mü =dē 'ö- -nu dē 'yaa 'dhö, 'ö- -nu dhe 'yaa 'dhö, 'ö pē =bhee 'yaa- -nu -gō, 'ö 'kō 'yaa 'dhö kö -wo -wō -a -nu 'gü. -A -wön 'gü, 'ö nu 'ö yö 'ka =dē -bha, "bin 'ma -dhe -yö =kpao, 'me 'ö -ziö käng -ta -wa -nu bun -bho -dhekpacyi -bha. 'Wön -wēesü -dede -mü. =Dhe 'ö -kē "dhü, kwaa- me tii "se 'dhö, =Mlēkēen "se 'dhö, -Flanngsii "se 'ö dho 'ö -da 'ka -a "wēe 'bha -nu -bha, -wo kē -ta -a -nu -dhe -bhöpē -nu, "



-Ka Tailandö -dhe -ga sunami ziaan- -ta

-nu waa- pē "wēe 'bha -nu 'ka, "kēe yöö =gban 'gü -kwa kwa "tüng kē -a -nu -wön 'gü kwa zuē "piü. -Kwa bhea" -Zlan -dhe kö -yö dō -nu -gban -gō. Mebhudhe -nu kwa dō.

Sadhepta

-Kō -loo 'ko -ta dō 'bha 'ö 'wo- dhe Sadhepta, -yö -ya -sü 'ka. "Kwi saa- nü 'ö- -pēkē.

'Mē 'ö- -gōme 'ka, -wa -dhe Pasitēē Tobo Ke Bēenaa. -Yö -go Dannēng "se 'gü. Saa- -blēsü 'ö Saadhepta 'ö -pēkē, -a -wön "dhia -yö 'ma -sü 'ka -dedewo -a 'dho -me -nu 'gü. -Kōloo 'ko -ta bha -yö -ya -mēwön 'gü ? -Yö -ya "dhü kö -yö kē "flēe fiēdhe kē -sü 'ka mebhü- -nu -gō. -A -gen -mü

=dhe 'me 'ö yē 'yaa gun- -nu -gō, 'ö 'wo yē kē siē =dē saa- -pēkē -dhe bha- 'gü, -wo -mōō käng -bha. =Ya kē "dhü kö -a -nu -bha "flēe "bhü fiēē =ya kē. Kō -kō -loo 'ko -ta -wön bha 'wön -tiaandhe -mü. -Yö -sē kö kwa -yēebhaa -dhe -nu 'gü, 'wön 'ö kwa "piü 'kwa- kē =nac -yö 'gü -pē 'ka "kaflu waa- kakao ziaan 'gü, 'kwa kwa "tüng kē -a kē -sü 'gü.

"Kaflu waa- =kakao

=Ya 'go mü, yi ka -zō -bō =dhe =kakao "kidhung dō song -yö 'wēē- -kaong "saople -zü, 'yö "kaflu -bha 'dhö -kaong -yiisiö -zü. -A song 'dhe 'ö sü "kwi -a "su 'ö -kē zanngvie 'ka -a -bha 'ö yö 'ka 'maasü 'ö nu siē ya- -bha, 'yö bha.

'Wön 'ö -gban -potaasü -wön -bha.

Sida, me "tröyaabho -yua

-Kō -loo 'ko -ta dō 'bha -yö -ya -sü 'ka kwaa- 'Kōtö Divuaa -se ya 'gü, 'ö 'wo- dhe DHEPMASI.

'Mē -nu 'ö 'wo -kē =dhe -wo 'wön -taong -nu -yö me -nu -bha -kō suu

=gban -suu =gban "yan -dō "kwi -wo 'gü, 'ö 'wo wo 'kō dō -tiaandhe 'ka, nü 'ö 'wo -kōloo 'ko -ta bha- -ya. -Wa -kē "dhü kö -wo me -zō =kpao, kö sida -yua, me suu yēn -yua bha,

'kwa kwa -de 'kun- -gō. -A -kē "dhü -sü bha- 'gü, -kwē 'ö 'kwa go- -gü ya, 'yö me -kō "gbluu -gasü 'ö -kē gizame 'ka bha, 'wo -ya. Mē 'gbē -dede -wo kē -nu kö -wo gizame bha -a kē wo -de -wo 'gü. =Danwo

pö -mɛ -nu, Mëng' -nu, Gloo- -nu, =Betee -nu, "Bawɛɛ -nu, -wo 'ö =mɔɔ -wo -kaɔng do ö ga "saaga -bha kwaa- 'sɛ ya- 'gü, mɛ -nu -wo kɛ -go -a 'gü. Kwaa- 'yuu -mü, kwa 'tɔ -yö kɛ -wo mɛ -nu =zinng 'gü. Kwa kɛ genyɛn.

-A do 'ö dho 'tɔ kwa 'yaan 'zü, yö -mü =dhe 'sida bha, -a 'sü -kɔ -yö



'gbɛ. -A -blɛɛsü -mü =dhe gɔɔn- 'iin dhebɛ, -a -bha -tosea -kɛ =nɛng 'gü -sü 'ö -zaadhö, 'ö- 'dhe 'ö -wɪ -kɔkɔ 'ö- sü, 'ö- 'dhe 'ö -wɪ "küngküng 'ö- sü =dhe 'gbɛn -yö 'wɔn -kɛ bha, -a 'ka. =Ya 'go mü, "bɔn zë -sü 'ö 'wo- -kɛ -dhaa 'nɛ, 'iin 'laamö doseng 'ka mɛ =gban kwi -bha, 'iin "yuamɛ -nu zua -sü 'ö pɛ dosengseng 'ka bha, -a

'ka. =Ya kɛ "dhü kö -kwa kwa -de 'kun 'wɔn suu -nu bha, -a -nu kɛ -sü -gɔ.

=Ya 'go mü ka -bha 'ka, kwa -mɔɔ -bha 'kwa sida -dhe =dhe kwa -de -wo 'gü kpɛngdhö ?

'Wɔn 'ö -gban troo 'nɛ -nu -bha

Pɛ "bin =plɛ ya -a -nu -ga -sɛ -dede 'ka. -Wo -bho wo 'kwɛɛ-, "kɛɛ -a do -zë 'ka -dhe "saaga -ya -bha. -A -nu =mɔɔ-.



"Yu -wɔn

'Nëglɔɔn 'nɛ do 'bha bha 'yö -gban =gee -gɔ. -Kpo 'ö 'wo-wo 'dheɛdhö, 'yö- pö yöö 'yɛdhe kɛ "siɛɛ- 'ka mɛ -nu 'yan "dhiü "dheɛdhö 'mü kö mɛ -nu -wa pö ö 'gbɪ-. -Aga kö =gee bha =ya ö -kɔ ziö- -bha -blɛɛ 'gü, kö -yaa gɛn "kan, -

yaa lɔɔ =ya ö -gen yö- -ta. "Kaa 'ö 'mɛ bha -a zü -bha, -yaa zü kɛ tii 'ka =ni. -A "dhiü -zian nü 'ö yöö ö -kɔ kpa- -ta, "iin -a zü kpö nü yöö -a -gblɛɛn 'kpo -ee ? =Gee =de 'pö yaa- "piü 'ö ö -gen 'gö -blɛɛ bha- -ta...

"Gwüŋ

Kwa- -pö kwa -de -wo 'gü =dhe: « -Gɔ 'yaa- kɛ "wɛɛ -ya -kɛ bho -bha kɛ 'gü. »

'Wɔn "pɛpɛ 'ö kwaa- "kwi -dhɛng -nu 'ö -da 'ka kwa -dega -bha

'nɛ -nu -bha 'wo- kɛ siɛ bha, -yö -kɛ "dhü kwa nü kwa -wɔn 'gü. -A -kɛ "dhü -sü bha- 'gü, kö -kwa dɔ kwa -de -gban -gɔ. -Kwa kwa faan dɔ kwaa- 'sɛɛdhe -nu bha- -nu -wɔn -bha. « 'Wo ü

=taadhɛ =yɔɔ siɛ kö bhii =de 'pö ü ü 'gblɛɛdhe =yɔɔ siɛ. »

'Sɛɛdhe -dee -nu -wo kɛ -sü 'ka. -A -blɛɛsü bha -wa -dhe 'WAA 'WɔN YAA "YɔɔBHO 'WɔN YAA 'KA. -Wa dɛ -mɛ -dhe =Kɛsɪ Mɔyan. 'Sɛɛdhe bha dhiang -wo -nu 'ö 'wo- -gü, -wo -tiantandhe -dedewo. Mɛ faan dɔ -wo -nu, mɛ =klang- kɛ -wo -nu, -gleng -da 'nɛ -nu -bha -wo -nu =gban -wa 'gü. -Yö -ya -sü 'ka =Danwo 'gü, "gwɛɛtaawo 'gü. -A -pɛ -yö -kɛ "kwi "sɛ 'ö -kɛ =Dhusi 'ka, -a 'gü. -A "dhiü 'tɔ -dhe bha, -wo -nu bha -wo slɛɛ -sü 'ka- 'gü "kwi -wo 'gü. Pɛ "bin 'ö -ta yö nü 'ö -ya ka wɛɛdhö bha.

=Ya 'go mü 'sɛɛdhe do 'bha -yö -wo -sü 'ka blowo 'gü. -Wa -dhe -Zuu 'gü bhuö -dhe bo -kɔ. 'Sɛɛdhe =bhlɛɛsü -mü -dedewo. -Kɔ 'ö dho kɛ- -bha kö ü "yan -nu 'ö -zio 'wɔn 'gü -gblü -bha "tüng ya- 'gü, ü -zo -yö -gban, ü zuɛ" -yö lɔɔ nü- -dhiang zë.


-A -to =taama -sü -mü =dhe kwaa- -kwe 'dhö, "su waa- -dhekpacyi 'dhö, -a -nu dhong 'sɛɛdhe -sɛ do =ya yö "kpɛng. -A 'tɔ -mü Sɔ 'yuögü =dhong- 'sɛɛdhe.

'Sɛɛdhe "pɛpɛ -nu 'ö 'wo bha -ka -dho -kpan -a -nu -bha -blɛɛsü 'gü, "Biya, 'Silö. -A "nimlɔv -mü 22-43-12-72 'ka.

=Ya 'go mü ka -mɔɔ -a -bha 'ö 'ka -kpan -a -nu -bha "Maadhö "Zɛ Emadhiɛdhö -gɔ, =dheglizö UEESO 'gü mü.

-Ka -mɔɔ -a -bha 'ö 'ka -kpan -a -bha 'pö 'Dannëngdhö =Dheglizö UEESO 'gü mü,

Pɛ -Wlangda -sü



'Ka ka bo 'sëedhe ya- -wo pö –sü 'ka, 'wɔn 'bha =ya kë ka –gɔ kö 'ka pö yi –dhe, -ka 'sëedhe kë kö 'ka bɔ.
Yii- 'dresü –mü 08 BP 857 Abidjan 08 'ka. Tel. 22.43.12.72.

'Mε -nu 'ö 'wo 'sëedhe 'ö ya- -kë, wo –mü =Sai Zoziasü , "Dhɔɔgbö Zafe, =Kesɩ Mɔyan Dhifɔngsü, Valangten Vidrinö
waa- Edhena Pɛdhekwalösökaya –nu 'ka.

'Ka yën 'sëedhe =nε -a pö –sü –bha –ka ka –bha –zotadhe –nu nu yi –dhë.
Yi 'yan -yö ka –bha 'sëedhe -nu -gɔ kö 'ka- bɔ yi –dhë.

Mε -nu 'wo 'sëedhe 'ö =nε -a =bɛɛn –an 'tɔ 'wo =nε Zoziasü Saigbö, -Kese Mɔyan, Zafe 'Dhɔɔgbö, Valangten
Vidrinö.

Yi –bha 'sëedhe kë –dhe 'nimlo 'ö =nε : SIL 08 BP 857 Abidjan 08 Tel : 22 43 12 72